



KEMENTERIAN PERDAGANGAN DALAM NEGERI
DAN KOS SARA HIDUP



BERITA

24 JAM

KPDN

KERATAN AKHBAR & BERITA ONLINE

Untuk makluman:

- | | |
|-----------------------|---------------------|
| ● YB Menteri | ● YBhg. TKSU (PPDN) |
| ● YB Timbalan Menteri | ● YBhg. TKSU (PP) |
| ● YBhg. KSU | ● Setiausaha Akhbar |

Tarikh: 21 April 2025



KEMENTERIAN PERDAGANGAN DALAM NEGERI
DAN KOS SARA HIDUP

KERATAN AKHBAR

KPDN



UNIT KOMUNIKASI KORPORAT

Stok penimbal gula putih di Sabah, Sarawak bermula 1 Mei

PAPAR - Stok penimbal gula putih akan diwujudkan di Sabah dan Sarawak bermula 1 Mei ini bagi memastikan bekalan gula di kedua-dua negeri tidak terjejas.

Menteri Perdagangan Dalam Negeri dan Kos Sara Hidup (KPDN), Datuk Armizan Mohd Ali berkata, inisiatif itu dilaksanakan secara berperingkat susulan keputusan mesyuarat Jemaah Menteri, 26 Mac lalu.

"Stok penimbal di Sabah, Sarawak dan Labuan akan bermula pada 1 Mei selepas perbincangan segera diadakan bersama dua pengilang utama," katanya.

Beliau berkata demikian ketika ditemui pada sambutan Aidilfitri Ahli Parlimen Papar bersama Ahli Dewan Undangan Negeri (ADUN) Kawang, Datuk Ghulam Haidar Khan Bahadar, di Dewan Sekolah Menengah Kebangsaan (SMK) Pengalat, di sini pada Ahad.

Menurutnya, sebanyak 1 juta kilogram gula akan disediakan menerusi stok penimbal tersebut bagi menangani gangguan bekalan, terutamanya menjelang musim perayaan.

"Stok ini hanya akan digunakan sekiranya berlaku gangguan bekalan. Buat masa ini, bekalan masih sta-

bil. Namun, gangguan pernah berlaku akibat masalah import gula mentah ke Semenanjung dan harga pasaran global yang tinggi, menyebabkan pengilang mengurangkan pengeluaran.

"Apabila bekalan dikurangkan, kawasan yang terjejas adalah Sabah, Sarawak dan Labuan memandangkan kos perkapalan yang tinggi serta tempoh


penghantaran yang panjang, iaitu sehingga lima hari ke Kuching dan tujuh hari ke Kota Kinabalu, belum termasuk kawasan pedalaman seperti Nabawan dan Sukau.

"Sebab itu, kerajaan meluluskan peruntukan se-

banyak RM2 juta untuk menjayakan penubuhan stok penimbal ini, yang dianggarkan mencukupi bagi keperluan tiga hingga enam bulan sekiranya berlaku sebarang gangguan," katanya.

Armizan turut memaklumkan bahawa Kabinet telah meluluskan tambahan subsidi pengangkutan bagi penghantaran gula dari Semenanjung ke Sabah dan Sarawak.

"Sebelum ini, peruntukan subsidi sebanyak RM19 juta setahun, iaitu 10 sen bagi setiap kilogram. Kini, ia telah digandakan kepada RM38 juta," katanya.



ARMIZAN



TUN Musa (lima dari kiri) menyampaikan sumbangan kepada salah seorang penerima sambil diperhatikan Hajiji (empat dari kiri) dan Armizan (tiga dari kiri) di majlis itu.

Stok penimbal tangani gangguan bekalan gula di Sabah, Sarawak

Iskandar Dzulkifli

PAPAR: Kementerian Perdagangan Dalam Negeri dan Kos Sara Hidup (KPDN) akan melancarkan Stok Penimbal Gula Putih Bertapis bagi Sabah dan Sarawak termasuk Wilayah Persekutuan (WP) Labuan bermula 1 Mei ini.

Menterinya Datuk Armizan Mohd Ali berkata mekanisme yang akan dilaksanakan secara berperingkat itu bertujuan menangani sebarang isu gangguan bekalan gula khususnya di musim perayaan.

Sekiranya berlaku gangguan bekalan katanya, stok penimbal itu dianggarkan mampu bertahan menyalurkan bekalan gula kepada pengguna secara konsisten dalam tempoh enam bulan.

Menurutnya, sebanyak 2,000 tan metrik ditetapkan bagi kadar stok penimbal itu iaitu masing-masing 1,000 tan metrik untuk Sabah termasuk Labuan dan 1,000 tan metrik untuk Sarawak.

"Sabah dan Sarawak bergantung penuh kepada bekalan gula dari Semenanjung dan situasi ini mampu

menyebabkan gangguan bekalan khususnya di musim perayaan disebabkan permintaan tinggi.

"Ditambah lagi dengan faktor logistik dan situasi global menyebabkan kemungkinan berlaku gangguan bekalan sangat besar sebagaimana yang terjadi pada bulan Ogos hingga Oktober tahun 2023 lalu.

"Justeru itu, KPDN merangka langkah khusus dengan mewujudkan Stok Penimbal Gula Putih Bertapis untuk Sabah dan Sarawak bagi menangani masalah ini dan telah dipersetujui jemaah menteri pada Mac tahun ini.

"Sekiranya ada gangguan bekalan selepas ini, kita akan 'release' stok (gula) ini," katanya ketika ditemui di Majlis Rumah Terbuka Aidilfitri Parlimen Papar dan Dewan Undangan Negeri (Dun) Kawang, di sini, Ahad.

Hadir sama Yang Di Pertua Negeri Sabah (TYT) Tun Musa Aman dan isteri Toh Puan Faridah Tussin, Ketua Menteri Datuk Seri Hajiji Haji Noor serta isteri Datin Seri Julia Salag dan Adun Kawang Datuk Ghulam Haidar Khan Bahadar.

Lihat Muka Dua

Peruntukan tambahan untuk subsidi pengangkutan gula

Dari muka depan

Dalam pada itu, Armizan berkata, selain stok penimbal, kerajaan persekutuan juga telah meluluskan peruntukan tambahan bagi subsidi pengangkutan perkapalan dan penghantaran bekalan gula ke Sabah dan Sarawak.

Ahli Parlimen Papar itu berkata, sebanyak RM38 juta setahun disediakan untuk tujuan itu berbanding RM19 juta sebelum ini sekaligus menjadi langkah tambahan bagi menangani isu gangguan bekalan komoditi tersebut.

Menurutnya, langkah proaktif pihaknya itu selain dapat menstabilkan bekalan, inisiatif itu juga dapat menstabilkan harga dengan memastikannya berada di paras ditetapkan iaitu RM2.85 sekilogram.

"Kita hanya berharap import gula mentah dari luar dan untuk pengetahuan, harga gula mentah ini jauh lebih tinggi iaitu lebih kurang RM3.85 sekilogram namun kerajaan telah beri insentif RM1 bagi setiap kilogram.

"Inisiatif untuk tempoh masa sementara ini membolehkan harga gula ditetapkan pada RM2.85 sekilogram," katanya sambil memaklumkan tiada keperluan mewujudkan stok penimbal bekalan lainnya kerana negara mempunyai bekalan domestik mencukupi.

Terdahulu, Tun Musa dan Hajiji menyampaikan sumbangan tunai kepada 200 golongan asnaf di majlis itu yang dihadiri lebih 10,000 pengunjung.



Dilaksana mulai 1 Mei 2025 - Armizan

Stok penimbal gula putih bertapis di Sabah, Sarawak dan Labuan

Oleh JOHN TAMBANAN

PAPAR: Kerajaan sentiasa memantau dan memastikan bekalan barangan keperluan harian rakyat sentiasa mencukupi di pasaran terutamanya ketika permintaan meningkat di musim perayaan.

Menteri Perdagangan Dalam Negeri dan Kos Sara Hidup, Datuk Armizan Mohd Ali berkata, ini penting kerana bekalan yang mencukupi juga akan mempengaruhi penawaran harga berpatutan di pasaran.

"Mengambil kira terdapat bekalan barangan keperluan harian di Sabah, Sarawak dan Wilayah Persekutuan (WP) Labuan yang bergantung sepenuhnya daripada Semenanjung Malaysia, langkah khusus perlu dilaksanakan untuk menangani isu gangguan bekalan," katanya.

Beliau berkata demikian kepada pemberita sempena majlis Sambutan Aidilfitri MP Papar dan ADUN Kawang, di Dewan SMK Pengalat, Papar.

Armizan berkata, antara barangan yang terdampak adalah gula putih bertapis yang keseluruhan bekalan diperolehi daripada Semenanjung Malaysia disebabkan tidak



MERIAH...Armizan (enam dari kiri, tengah) dan Ghulam Haidar (tengah) merakamkan gambar kenangan bersama para petugas media sempena Majlis Sambutan Aidilfitri MP Papar dan ADUN Kawang di SMK Pengalat.

wujudnya pengilang di Sabah, Sarawak dan WP Labuan.

"Ini mengakibatkan berlaku gangguan bekalan gula putih seperti gangguan serius yang pernah terjadi pada bulan Ogos hingga Oktober 2023.

"Ini ditambah dengan faktor logistik iaitu penghantaran bekalan melalui kapal dari Semenanjung Malaysia yang memerlukan

masa lima hari ke Sarawak dan tujuh hari ke Sabah.

Atas sebab itu, Kementerian Perdagangan Dalam Negeri dan Kos Sara Hidup (KPDN) telah merangka langkah khusus untuk mewujudkan stok penimbal gula putih bertapis di Sabah, Sarawak dan WP Labuan.

Syor ini telah dipersetujui Mesyuarat Jemaah Menteri Persekutuan pada 26 Mac

2025," katanya.

Armizan berkata, susulan daripada keputusan tersebut, Kementerian Dalam Negeri dan Kos Sara Hidup (KPDN) akan mengeluarkan Arahan Pengawal Bekalan kepada kedua-dua syarikat pengilang di Semenanjung Malaysia iaitu MSM Malaysia Holdings Berhad dan Central Sugars Refinery (CSR) Sdn Bhd.



SIDANG MEDIA Armizan ketika bercakap kepada media selepas Majlis Sambutan Aidilfitri MP Papar dan ADUN Kawang di SMK Pengalat.

Katanya, jumlah stok penimbal yang ditetapkan adalah pada kadar 1,000 metrik tan (1 juta kilogram) untuk keperluan di Sabah dan WP Labuan dan 1,000 metrik tan untuk keperluan di Sarawak secara berperingkat bermula 1 Mei 2025.

Beliau berkata, sebagaimana yang telah diumumkan sebelum ini, selain penyediaan stok penimbal, Kerajaan Persekutuan juga telah meluluskan peruntukan tambahan untuk subsidi pengangkutan perkapalan bagi penghantaran bekalan gula putih bertapis ke Sabah, Sarawak dan WP Labuan.

Katanya, peruntukan yang disediakan kini adalah sebanyak RM38 juta setahun, berbanding RM19 juta setahun sebelum ini iaitu peningkatan daripada 10 sen kepada 20 sen bagi setiap kilogram. Selain itu, katanya Mesyuarat Jemaah Menteri pada 26 Mac 2025 juga bersetuju untuk KPDN menubuhkan Jawatankuasa Pensta-

bilan Bekalan dan Harga.

"Jawatankuasa ini akan dianggotai oleh kementerian, jabatan, agensi serta pemain-pemain industri berkaitan yang akan bersidang sekurang-kurangnya enam kali setahun.

KPDN berharap usaha bersepadu ini akan terus berupaya menangani isu-isu berkaitan kos sara hidup, kestabilan bekalan dan harga secara lebih berkesan demi kesejahteraan rakyat," katanya.

Sambutan Aidilfitri MP Papar dan ADUN Kawang dimekarkan dengan kehadiran Yang Dipertua Negeri, Tun Musa Haji Aman dan isteri Toh Puan Faridah Tussin serta Ketua Menteri, Datuk Seri Panglima Haji Hajiji Haji Noor dan isteri Datin Seri Panglima Datuk Hj Hj Juliah Salag.

Ketibaan musa disambut Armizan dan ADUN Kawang, Datuk Seri Ghulam Haidar Khan Bahadar. Kira-kira 18,000 pengunjung menghadiri majlis itu.

Stok penimbal gula putih bertapis di Sabah bermula 1 Mei

Turut melibatkan Sarawak dan Labuan kerana tiada pengilang

Oleh Hamzah Sanudin

KOTA KINABALU: Kerajaan sentiasa memantau dan memastikan bekalan barangan keperluan harian rakyat sentiasa mencukupi di pasaran terutamanya ketika permintaan meningkat di musim perayaan.

Menteri Perdagangan Dalam Negeri dan Kos Sara Hidup, Datuk Armizan Mohd Ali berkata, ia penting kerana bekalan yang mencukupi juga akan mempengaruhi penawaran harga berpatutan di pasaran.

Katanya, langkah khusus perlu dilaksanakan bagi menangani isu gangguan bekalan memandangkan terdapat bekalan barangan keperluan harian di Sabah, Sarawak dan Labuan yang bergantung sepenuhnya daripada Semenanjung.

"Antara barangan yang terbabit adalah gula putih bertapis yang keseluruhan disebabkan tidak wujudnya pengilang di Sabah, Sarawak dan Labuan.

"Ini mengakibatkan berlakunya gangguan bekalan gula putih bertapis pada masa tertentu seperti gangguan serius yang pernah terjadi pada bulan Ogos hingga Oktober 2023.

"Ita ditambah dengan faktor logistik iaitu penghantaran bekalan melalui perkapalan dari Semenanjung yang memerlukan masa lima hari ke Sarawak dan tujuh hari ke Sabah," katanya.

Beliau yang juga Ahli Parlimen Papar berkata demikian sempena Majlis Sambutan Aidilfitri Ahli Parlimen Papar dan Ahli Dewan Undangan Negeri (ADUN) Kawang, di sini, semalam.

Turut hadir, Yang Dipertua Negeri Tun Musa Aman; Ketua Menteri, Datuk Seri Panglima Haji Haji Haji Noor dan ADUN Kawang Datuk Seri Gulamhaidar @ Yusof Khan Bahadar.

Menurutnya, atas sebab itu, Kementerian Perdagangan Dalam Negeri dan Kos Sara Hidup (KPDN) merangka langkah khusus untuk mewujudkan stok penimbal gula putih bertapis di Sabah, Sarawak dan Labuan.

"Syor ini telah dipersekitujui Mesyuarat Jemaah Menteri Persekutuan pada 26 Mac lalu dan susulan itu, KPDN akan mengeluarkan Arahan Pengawal Bekalan kepada syarikat pengilang di Semenanjung Malaysia iaitu MSM Malaysia Holdings Berhad dan Central Sugars Refinery (CSR)



SUMBANGAN: Armizan ketika mengiringi Hajji menyampaikan sumbangan kepada golongan memerlukan pada majlis itu.

Sdn Bhd.

"Jumlah stok penimbal yang ditetapkan adalah pada kadar 1,000 metrik tan (1 juta kilogram) untuk keperluan di Sabah dan WP Labuan dan 1,000 metrik tan untuk keperluan di Sarawak secara berperingkat bermula 1 Mei ini,"

katanya.

Beliau berkata, selain penyediaan stok penimbal, kerajaan Persekutuan juga meluluskan peruntukan tambahan untuk subsidi pengangkutan perkapalan bagi penghantaran bekalan gula putih bertapis ke Sabah, Sarawak dan

Labuan.

Armizan berkata, peruntukan yang disediakan kini adalah sebanyak RM38 juta setahun, berbanding RM19 juta setahun sebelum ini iaitu peningkatan daripada 10 sen kepada 20 sen bagi setiap kilogram.

"Mesyuarat Jemaah

Menteri pada 26 Mac lepas juga bersetuju untuk KPDN menubuhkan Jawatankuasa Penstabilan Bekalan dan Harga.

"Jawatankuasa ini akan dianggotai oleh kementerian, jabatan, agensi serta pemain-pemain industri berkaitan yang akan bersi-

dang sekurang-kurangnya enam kali setahun.

"Saya berharap usaha bersepadu ini akan terus berupaya menangani isu-isu berkaitan kos sara hidup, kestabilan bekalan dan harga secara lebih berkesan demi kesejahteraan rakyat," katanya.

KPDN Terengganu kompaun 24 peniaga culas, ramai tidak pamer tanda harga

KUALA NERUS – Seramai 24 peniaga di Terengganu telah dikompaun selepas didapati melakukan pelbagai jenis kesalahan berkaitan kepenggunaan sepanjang penguatkuasaan Skim Harga Maksimum Musim Perayaan (SHMMP) Hari Raya Aidilfitri baru-baru ini.

Pengarah Kementerian Perdagangan Dalam Negeri dan Kos Sara Hidup (KPDN) Terengganu, Mohd. Mufsi Lat berkata, seramai 20 peniaga terbabit didapati melanggar Akta Kawalan Harga Dan Anti Pencatutan 2011, manakala bakinya di bawah Akta Timbang dan Sukat 1972.

"Antara kesalahan yang dikenal pasti ialah tidak mempamerkan tanda harga dan menggunakan alat timbang yang tidak ditentusahkan atau tamat tempoh.

"Sebahagian mereka juga tidak memasang tanda harga berwarna merah jambu bagi barangan harga terkawal sewaktu tempoh SHMMP Hari Raya Aidilfitri antara 24 Mac hingga 7 April lalu," katanya ketika ditemui pada majlis Apresiasi Kepenggunaan sempena Hari Raya Aidilfitri di sini semalam.

Mohd. Mufsi berkata, operasi

“

Antara kesalahan yang dikenal pasti ialah tidak mempamerkan tanda harga dan menggunakan alat timbang yang tidak ditentusahkan atau tamat tempoh.”

MOHD. MUFSI LAT

SHMMP Hari Raya Aidilfitri di Terengganu melibatkan 118 anggota penguat kuasa.

Beliau berkata, anggota penguatkuasa terbabit ditugaskan memantau lokasi-lokasi perniagaan menjadi tumpuan orang ramai.

"Mereka turut dibantu 57 orang pegawai pemantau harga (PPH) KPDN Terengganu bagi melakukan pemantauan.

"Sebanyak 3,939 pemeriksaan telah dilakukan di seluruh negeri ini sepanjang pelaksanaan operasi SHMMP Hari Raya Aidilfitri berkenaan," katanya.

KPDN kesan 24 kes Ops Pantau, SHMMP Hari Raya Puasa

KUALA NERUS: Kementerian Perdagangan Dalam Negeri dan Kos Sara Hidup (KPDN) Terengganu mengesan sebanyak 24 kes membabitkan pelbagai kesalahan menerusi Ops Pantau dan pelaksanaan Skim Harga Maksimum Musim Perayaan (SHMMP) Hari Raya Puasa 2025.

Pengarahnya Mohd Mufsi Lat berkata, kes itu dikesan hasil pemeriksaan ke atas 3,939 premis, termasuk bazar Ramadan, bazar Aidilfitri, pasar awam, pasar raya, kedai runcit dan pasar raya mini.

Mohd Mufsi berkata, daripada 24 kes berkenaan, 20 kes melibatkan

kesalahan di bawah Akta Kawalan Harga dan Antipencatutan 2011 manakala empat lagi membabitkan Akta Timbang dan Sukat 1972.

“Ops Pantau telah dilaksanakan bermula 2 hingga 30 Mac manakala SHMMP pula 24 Mac hingga 7 April lalu.

“Ops Pantau menumpukan kepada beberapa aspek utama seperti pemantauan bekalan dan harga barangan, jualan murah dan pelabelan halal manakala SHMMP bertujuan mengekang aktiviti manipulasi harga barangan ketika musim perayaan.

“Antara kesalahan utama dikenal pasti iaitu tidak meletakkan tanda harga

dan menggunakan alat timbang tamat tempoh atau tidak ditentukan,” katanya ketika ditemui pada Majlis Apresiasi Kepenggunaan Bersama Pelanggan KPDN Terengganu di sini semalam.

Dalam pada itu, Mohd Mufsi berkata walaupun musim perayaan sudah berakhir, pihaknya akan terus meningkatkan pemantauan harga di premis tumpuan ramai.

Beliau berkata, di Terengganu seramai 118 anggota penguat kuasa KPDN dan 57 Pegawai Pemantau Harga (PPH) siap sedia bertugas bagi memastikan peniaga mematuhi peraturan ditetapkan. — Bernama

KPDN rekod 284 kes rampasan bernilai lebih RM800,000

KOTA BHARU - Sebanyak 284 kes rampasan membabitkan nilai keseluruhan lebih RM800,000 direkodkan tahun ini sehingga Sabtu lalu.

Pengarah Kementerian Perdagangan Dalam Negeri dan Kos Sara Hidup (KPDN) Kelantan, Azman Ismail berkata, daripada jumlah itu, sebanyak 14 kes sudah dituduh di mahkamah dengan nilai denda berjumlah RM50,000 manakala kompaun pula sebanyak RM50,300.

"Sebanyak 55 tangkapan juga direkodkan sepanjang tempoh ini," katanya ketika Majlis Sambutan Hari Raya Aidilfitri KPDN pada Ahad.

Dalam pada itu, Azman berkata, bagi kes melibatkan Akta Kawalan Bekalan 1961, sebanyak 94 kes dibuka dengan nilai rampasan barang kawalan dianggarkan berjumlah RM136,713.58.

Bagaimanapun, jelasnya, jumlah keseluruhan nilai rampasan bagi kes

berkenaan adalah RM804,996 dengan 54 tangkapan.

"Bagi kes ini, nilai kompaun dikeluarkan ialah RM130,300 selain denda diperintahkan mahkamah berjumlah RM50,000," jelasnya.

Sementara itu, dalam tempoh sama, Azman berkata, KPDN menyita 20,846 liter petrol bernilai RM43,251 manakala 14,963 liter diesel membabitkan nilai RM42,435.

"KPDN juga menerima 55 kes serahan daripada agensi penguat kuasa lain membabitkan barang kawalan termasuk petrol, diesel, gas memasak (LPG), gula, minyak masak dan tepung gandum dengan nilai rampasan berjumlah RM113,387.

"Tindakan tegas akan diambil terhadap individu atau pihak yang terlibat dalam penyeludupan barang kawalan bersubsidi bagi memastikan kestabilan bekalan serta melindungi hak pengguna," katanya.

24 peniaga dikompaun sepanjang Ops Pantau, SHMMP 2025

KUALA NERUS - Seramai 24 peniaga dikenakan kompaun sepanjang pelaksanaan Ops Pantau 2025 dan Skim Harga Maksimum Musim Perayaan (SHMMP) Hari Raya Puasa 2025.

Pengarah Kementerian Perdagangan Dalam Negeri dan Kos Sara Hidup (KPDN) Terengganu, Mohd Mufsi Lat berkata, tindakan itu diambil hasil pemeriksaan terhadap 3,939 premis sepanjang operasi dijalankan bermula 2 Mac hingga 7 April lalu.

"Pemeriksaan dijalankan melibatkan premis tumpuan termasuk bazar Ramadan, bazar Aidilfitri, pasar awam, pasar raya dan kedai runcit.

"Daripada jumlah ini, sebanyak 20 kes direkodkan mengikut Akta Kawalan Harga dan Antipencatutan 2011 manakala empat kes disiasat di bawah Akta Timbang dan Sukat 1972.

"Antara kesalahan dikesan ialah peniaga gagal mempamerkan tanda harga, menggunakan alat timbang tidak ditentusahkan atau tamat tempoh serta gagal meletakkan

tanda harga merah jambu bagi barangan kawalan," katanya ketika ditemui pada Majlis Apresiasi KPDN bersama pelanggan di sini pada Ahad.

Beliau berkata, pelaksanaan operasi itu berjaya memastikan peniaga mematuhi peraturan harga sepanjang musim perayaan, sekali gus memberi ruang kepada pengguna berbelanja pada harga munasabah.

Dalam pada itu, katanya, KPDN Terengganu turut mempergiat usaha meningkatkan keberadaan 118 anggota penguat kuasa di lokasi tumpuan pengguna dan 57 Pegawai Pemantau Harga (PPH) bagi memastikan peniaga sentiasa mematuhi undang-undang.

"Saya mengingatkan peniaga supaya mematuhi peraturan bukan hanya ketika musim perayaan tetapi sepanjang masa selaras dengan amalan perniagaan beretika di bawah gerakan Biz-BERKAT.

"Kita mengalu-alukan sebarang aduan orang ramai berkaitan hal kepenggunaan termasuk aduan," ujarnya.

KPDN kesan 24 kes Ops Pantau, SHMMP Hari Raya Puasa

KUALA NERUS: Kementerian Perdagangan Dalam Negeri dan Kos Sara Hidup (KPDN) Terengganu mengesan sebanyak 24 kes membabitkan pelbagai kesalahan menerusi Ops Pantau dan pelaksanaan Skim Harga Maksimum Musim Perayaan (SHMMP) Hari Raya Puasa 2025.

Pengarahnya Mohd Mufsi Lat berkata, kes itu dikesan hasil pemeriksaan ke atas 3,939 premis, termasuk bazar Ramadan, bazar Aidilfitri, pasar awam, pasar raya, kedai runcit dan pasar raya mini.

Mohd Mufsi berkata, daripada 24 kes berkenaan, 20 kes melibatkan

kesalahan di bawah Akta Kawalan Harga dan Antipencatutan 2011 manakala empat lagi membabitkan Akta Timbang dan Sukat 1972.

“Ops Pantau telah dilaksanakan bermula 2 hingga 30 Mac manakala SHMMP pula 24 Mac hingga 7 April lalu.

“Ops Pantau menumpukan kepada beberapa aspek utama seperti pemantauan bekalan dan harga barangan, jualan murah dan pelabelan halal manakala SHMMP bertujuan mengekang aktiviti manipulasi harga barangan ketika musim perayaan.

“Antara kesalahan utama dikenalpasti iaitu tidak meletakkan tanda harga

dan menggunakan alat timbang tamat tempoh atau tidak ditentukan,” katanya ketika ditemui pada Majlis Apresiasi Kepenggunaan Bersama Pelanggan KPDN Terengganu di sini semalam.

Dalam pada itu, Mohd Mufsi berkata walaupun musim perayaan sudah berakhir, pihaknya akan terus meningkatkan pemantauan harga di premis tumpuan ramai.

Beliau berkata, di Terengganu seramai 118 anggota penguat kuasa KPDN dan 57 Pegawai Pemantau Harga (PPH) siap sedia bertugas bagi memastikan peniaga mematuhi peraturan ditetapkan. — Bernama

（吧巴20日讯）为应对沙巴、砂拉越及纳闽联邦直辖区白糖供应不稳定的问题，联邦政府将于下个月（5月1日）起分阶段实施缓冲库存机制，确保上述地区白糖供应充足且价格稳定。

国内贸易及生活费部长拿督阿米占今日作出这项宣布时说，此举措旨在保障民生必需品供应，尤其在节日需求高峰期间，避免价格波动影响东马民众生活。

他在文告中说，沙巴、砂拉越及纳闽无本地白糖生产商，完全依赖半岛的供应链，过去曾因物流延误（半岛至砂拉越需5天、至沙巴需7天）及2023年8至10月的严重供应中断事件，导致市场短缺。

“为此，内贸部草拟成立沙砂闽白糖缓冲库存机制的专门工作建议，联邦内阁于今年3月26日会议中通过批准。”

他指出，在内阁批准下，内贸部将指定

阿米占：確保東馬供應充足 “白糖緩衝庫存”5月實施

半岛两家制造商——大马糖厂（MSM）和中央制糖厂（CSR），分阶段建立共计2000公吨（200万公斤）缓冲库存，其中沙巴及纳闽配额1000公吨，砂拉越1000公吨。

增补贴 降运输成本

“此外，年度海运补贴从1900万令吉增至3800万令吉，补贴率由每公斤10仙提升至20仙，以降低运输成本。”

阿米占表示，内阁也同意成立“供应与价格稳定委员会”，由相关部门、机构及行业代表组成，每年至少召开6次会议，统筹解决生活成本、供应链及物价问题。



阿米占：“白糖缓冲库存”举措旨在保障民生必需品供应，在节日期间避免价格波动影响东马民众生活。（档案照）

“内贸部希望通过多管齐下的政策，更有效地持续克服影响东马民众生活的必需品供应和价格相关课题。”

Batal lesen agensi tipu pakej haji, umrah

SHAH ALAM - Agensi pakej haji dan umrah yang berdaftar tetapi terlibat dalam penipuan akan dikenakan tindakan pembatalan lesen serta-merta.

Menteri di Jabatan Perdana Menteri (Hal Ehwal Agama), Datuk Dr Mohd Na'im Mokhtar berkata, pihaknya telah mengenal pasti beberapa ejen yang berlesen tetapi menyalahgunakan kepercayaan jemaah.

"Lesen mereka telah dibatalkan dan tindakan lanjut sedang diambil.

"Kes melibatkan penipuan ini bukan sahaja memberi kesan kepada mangsa, malah mencemarkan nama baik institusi ibadah haji itu sendiri," katanya.

Beliau turut menjunjung titah Sultan Selangor, Sultan Sharafuddin Idris Shah yang mahu kerajaan serius menangani penipuan pakej haji dengan

lebih serius.

Mohd Na'im menjelaskan, tindakan itu diambil melalui kerjasama strategik antara Lembaga Tabung Haji (TH), Suruhanjaya Komunikasi dan Multimedia Malaysia (SKMM) serta Polis Diraja Malaysia (PDRM).

Menurut beliau, tindakan itu bagi memastikan pihak tidak bertanggungjawab yang memperdaya umat Islam dikenakan tindakan tegas tanpa kompromi.

Menurut Mohd Na'im, promosi haji palsu yang disebarakan menerusi platform digital kini menjadi trend yang membimbangkan dan memerlukan pemantauan bersama oleh semua pihak berkuasa.

Dalam masa sama, beliau turut meminta orang ramai membuat semakan terlebih dahulu sama ada agensi yang dihubungi memiliki lesen sah.



KEMENTERIAN PERDAGANGAN DALAM NEGERI
DAN KOS SARA HIDUP

KERATAN AKHBAR **AGENSI**



KEMENTERIAN PERDAGANGAN DALAM NEGERI
DAN KOS SARA HIDUP

KERATAN AKHBAR

UMUM



UNIT KOMUNIKASI KORPORAT

Harga minyak rendah buka ruang laksana subsidi bersasar RON95

Kerajaan perlu
manfaat peluang
teruskan usaha
reformasi
ekonomi

Oleh Mahanum Abdul Aziz
mahanum_aziz@bh.com.my

Harga minyak mentah Brent yang rendah di bawah AS\$70 setong pada masa ini dilihat memberi ruang kepada kerajaan untuk meneruskan rancangan pelaksanaan subsidi bersasar RON95 meskipun persekitaran global mencabar, demikian menurut penganalisis.

Namun, penganalisis menegaskan mekanisme pelaksanaan perlu berjalan lancar memastikan golongan layak menerima subsidi terus mendapat manfaat.

Ketua Ahli Ekonomi Bank Muamalat Malaysia Bhd, Dr Mohd Afzanizam Abdul Rashid, berpendapat sebaiknya pelaksanaan subsidi bersasar RON95 tidak ditangguhkan kerana kerajaan perlu berbelanja kepada per-

kara mendatangkan produktiviti tinggi seperti pendidikan, kesihatan dan infrastruktur.

Beliau berkata, jika pelaksanaannya ditangguhkan boleh menjejaskan kredibiliti kerajaan dalam melaksanakan reformasi ekonomi.

Di samping itu, katanya, harga minyak mentah Brent berada di paras agak rendah dan ini membuka peluang bagi kerajaan melaksanakan rasionalisasi subsidi bahan api kerana perbezaan di antara harga subsidi dan harga pasaran adalah kecil.

Menurutnya, meskipun tidak dinafikan risiko pertumbuhan ekonomi global yang lembab bakal memberi kesan kepada ekonomi negara, namun ia bukan sebab yang boleh membantutkan usaha memperbaiki kedudukan kewangan kerajaan.

"Oleh itu, kita perlu jelas mengenai permasalahan yang dihadapi dan penyelesaian yang perlu dilaksanakan.

"Dalam konteks semasa, masalahnya adalah dasar tarif Amerika Syarikat (AS) kerana mereka merasakan perdagangan antara-bangsa dilaksanakan dalam terma tidak adil sehingga menyebabkan defisit dalamimbangan dagangan AS.

"Oleh itu, langkah untuk tidak mengenakan tarif timbal balas ke atas AS dan mengadakan rundingan dengan mereka adalah tindakan yang tepat," katanya kepada BH.

Mantapkan strategi komunikasi

Mengulas lanjut, Mohd Afzanizam berkata, strategi komunikasi perlu dimantapkan agar rakyat faham dan mengerti mengenai tujuan rasionalisasi subsidi bahan api dilaksanakan.

Tarif timbal balas dikenakan AS baru-baru ini mencetuskan polemik dalam kalangan ahli ekonomi mengenai keperluan kerajaan melaksanakan rasionalisasi subsidi RON95 seperti yang dijadualkan pada pertengahan tahun ini.

Pengarah Eksekutif Pusat Penyelidikan Sosio-Ekonomi (SERC), Lee Heng Guie, baru-baru ini berkata, ketidakpastian yang dicetuskan impak tarif AS berpotensi menjejaskan prestasi eksport negara.

Menurutnya, kebanyakan ahli ekonomi melihat ekonomi negara akan menyederhana kepada 4.0 peratus dan jika keadaan menjadi lebih buruk, boleh menjadi lebih rendah lagi.

Justeru, katanya, kerajaan perlu memberi tumpuan kepada langkah untuk mengekang kesan kelembapan eksport ke atas sektor domestik.

"Kami yang datang dari dewan perniagaan memberitahu kerajaan supaya menangguhkan beberapa perubahan dasar domestik.

"Bagi rasionalisasi subsidi RON95, potensi kenaikan tarif elektrik, levi pelbagai peringkat untuk pekerja asing dan perluasan Cukai Jualan dan Perkhidmatan (SST) diharap boleh ditangguh buat masa ini memandangkan ketidakpastian yang ketara terhadap kesan tarif ke atas sektor luaran dan berpotensi mencetuskan kesan terhadap ekonomi domestik," katanya pada sesi panel sempena Sidang Meja Bulat Bursa Malaysia-ECKL-CIMB.

Dalam pada itu, RHB Investment Bank berpendapat, rasionalisasi subsidi RON95 akan berlaku, namun berpotensi ditangguhkan berikutan kriteria penuh untuk kelayakan, yang asalnya dijadualkan untuk pengumuman pada suku pertama 2025 belum kelihatan.

Menurut bank pelaburan itu, adalah difahamkan MyKad akan digunakan bersama dengan sistem harga dua peringkat, walaupun ia mungkin tertakluk kepada salah guna.

Katanya, dengan klasifikasi T15, iaitu mereka yang tidak layak untuk subsidi masih dikaji semula, terdapat kemungkinan ia boleh melambatkan pelaksanaan melangkaui pertengahan 2025.

“Strategi komunikasi perlu dimantapkan agar rakyat faham dan mengerti mengenai tujuan rasionalisasi subsidi bahan api dilaksanakan”

Dr Mohd Afzanizam Abdul Rashid,
Ketua Ahli Ekonomi Bank
Muamalat Malaysia Bhd



DBKL laksana lebih 1,000 tindakan sejak Januari

PETALING JAYA: Lebih 1,066 tindakan penguatkuasaan telah dilaksanakan oleh Dewan Bandaraya Kuala Lumpur (DBKL) sejak awal tahun ini melalui operasi serta rondaan harian yang dijalankan secara berterusan.

Pengarah Jabatan Penguatkuasaan DBKL, Mohd. Muammer Jamaluddin berkata, tindakan tersebut memfokuskan kepada penjaja haram dan individu yang menjalankan kegiatan tidak sah khususnya dalam kalangan warga asing.

Katanya, sebanyak lapan premis telah dikenakan tindakan menerusi operasi bersepadu terbaharu di Brickfields.

"Operasi itu dijalankan dengan kerjasama beberapa agensi penguatkuasaan lain termasuk Jabatan Imigresen, Polis Diraja Malaysia (PDRM) serta Kementerian Perdagangan Dalam Negeri dan Kos Sara Hidup (KPDN).

"Empat premis telah diarahkan tutup, masing-masing dua di bawah Undang-undang Kecil (UUK) Tred Perniagaan dan Perusahaan (WPKL) 2016 manakala dua lagi di bawah Akta Makanan 1983," katanya.

DBKL turut mengeluarkan tujuh notis atas pelbagai kesalahan di bawah Akta Kerajaan Tempatan 1976 mengikut UUK Tred Perniagaan dan Perusahaan (WPKL) 2016.

Peniaga gusar jika harga kelapa naik lagi

Jual santan pada harga RM20 sekilogram tampung kos bekalan tinggi

Oleh ROSHILA MURNI ROSLI
ALOR SETAR

Peniaga santan segar bimbang kemungkinan harga kelapa import terus mengalami kenaikan disebabkan tiada campur tangan pihak berkuasa.

Peniaga santan, Mohd Sufi Yazid, 41, berkata, ketika ini kenaikan tertinggi dicatatkan adalah pada minggu lalu sebanyak RM3.20 sekilogram.


Katanya, harga bahan mentah itu menunjukkan peningkatan mendadak sejak Oktober tahun lalu dan terus melonjak selepas Aidilfitri.

"Pada Oktober tahun lalu, kenaikan cuma RM1.80 sekilogram dan masih boleh terima sebab tidak membebankan.

"Namun hari raya baru-baru ini, harga naik sehingga RM2.90 sekilogram, jadi saya jual santan pada harga RM18 sekilogram walaupun untung sedikit.

"Selepas itu harga naik lagi iaitu RM3.20 sekilogram minggu lalu dan terpaksa menjual santan RM20 sekilogram bagi mengelak kerugian," katanya.

Menurutnya, ada ura-ura harga kelapa import akan naik mencecah RM3.50 se-



Mohd Sufi menunjukkan harga jualan santan di kedainya.



kilogram yang sudah pasti membebankan peniaga kecil.

"Dah sembilan tahun saya berniaga, tapi tahun ini paling teruk. Kalau harga terus naik tanpa kawalan, memang ramai peniaga tutup kedai," katanya.

Dakwanya, kekurangan bekalan kelapa dari Indonesia dipercayai menjadi punca kenaikan harga setiap minggu.

"Saya harap ada campur tangan kerajaan berkaitan isu kelapa ini. Bagi peniaga santan seperti kami, ini sahaja mata pencarian menyara keluarga.

"Kalau terpaksa gulung tikar, tak tahu apa nasib kami nanti," ujarnya.

Bagi Kasmawati Abdul Karim, 44, dari Pendang, mengakui pernah menghentikan operasi ketika Skim Harga Maksimum Musim Perayaan (SHMMP) sempena Aidilfitri dari 24 Mac hingga 7 April lalu.

"Ketika itu kerajaan menetapkan harga siling RM17.50 sekilogram tetapi saya tidak mampu menjual pada harga tersebut disebabkan harga kelapa melambung tinggi," katanya.

Jelasnya, sepanjang tempoh tersebut, dia tidak berani menjual santan melebihi harga siling kerana bimbang didenda Kementerian Perdagangan Dalam Negeri dan Kos Sara Hidup (KPDN) kerana ingkar arahan ditetapkan.

Harga santan segar cecah RM20 sekilo

- Kenaikan antara RM3 hingga RM8 sekilogram
- Kekurangan bekalan kelapa tempatan jadi punca

Oleh MOHD. AZLI ADLAN, NOOR HASLIZA NUSI, NABILA NATASHA YUSMADIE, ARINA MOHD NOOR dan ROSLIZA MOHAMED

KUALA LUMPUR – Kekurangan bekalan kelapa tempatan dan kenaikan harga kelapa import menjadi antara punca kenaikan harga santan segar sehingga RM20 sekilogram di kebanyakan negeri di seluruh negara.

Tinjauan Kosmo! di Pasar Raja Bot, Chow Kit di sini, kelmarin mendapati, santan segar kini dijual pada harga RM18 sekilogram berbanding RM15 sekilogram pada akhir tahun lalu.

Beberapa peniaga memaklumkan bekalan kelapa kini banyak diperolehi dari Indonesia memandangkan stok kelapa tempatan sukar didapati.

Seorang peniaga santan, Liew Yoke Chin, 45, berkata, harga bahan mentah itu mula naik sejak Disember tahun lalu.

"Tahun lepas saya jual santan sekitar RM15 sekilogram, tapi hujung tahun lalu harganya mula naik dan kini terpaksa dijual pada harga RM18 sekilogram.

"Sukar untuk mengekalkan harga berpatutan kerana saya terpaksa membeli buah kelapa pada harga yang tinggi," katanya.

Peniaga, Putri Ainin Syafika Wasri, 18, pula berkata, pembekal sering menaikkan harga dengan alasan stok kelapa terhad.

"Kenaikan ini memang terasa. Pembekal selalu main harga, hari ini naik, minggu depan naik lagi. Kalau pembekal letak harga tinggi, kita terpaksa jual dengan harga tinggi. Itu pun belum termasuk kos-kos lain.



WAN MOHD. SYUKRI melayan pelanggan yang membeli santan di geraiannya di Pasar Chabang Tiga, Kuala Terengganu kelmarin.

"Walaupun harga meningkat, permintaan santan segar tetap tinggi," katanya.

Di **Kuala Terengganu**, rata-rata peniaga terpaksa menaikkan harga santan segar lebih 50 peratus berbanding pada bulan Ramadan lalu ekoran stok yang tidak mencukupi dan harga bekalan yang semakin mahal.

Peniaga, Wan Mohd. Syukri Wan Muda berkata, dia terpaksa menaikkan harga santan segar RM20 sekilogram berbanding RM13 sekilogram pada bulan puasa lalu.

"Harga sebiji kelapa sudah mencecah RM4. Itupun saya baru terima semula bekalan kelmarin.

"Sebelum ini, seminggu saya tidak dapat berniaga ekoran ketiadaan bekalan daripada pemborong," katanya di Pasar Chabang Tiga.

Menurutnya, bekalan kelapa



PUTRI AININ melayan pelanggan yang membeli santan di premisnya di Pasar Raja Bot, Chow Kit, Kuala Lumpur kelmarin.

yang diterima daripada pemborong di Kukup, Johor juga berkurangan cuma dua tan berbanding keperluan kira-kira lima tan seminggu.

Katanya, dua tan kelapa itu dijangka hanya mampu bertahan tiga hari kerana permintaan santan tetap tinggi pada Syawal ini.

"Pemborong mendakwa beka-

lan kelapa dari Indonesia bermasalah ekoran kekurangan tenaga kerja pada musim raya.

"Bekalan kelapa tempatan pula lagi bermasalah disebabkan pengeluaran kurang ekoran musim melawas.

"Masalah yang dihadapi ketika ini antara terburuk sejak saya berniaga santan lebih 30 tahun

lalu," ujarnya.

Di **George Town**, peniaga santan berdepan dilema dengan kenaikan harga bahan mentah itu sejak Oktober tahun lalu dan berlarutan sehingga hari ini.

Peniaga, Mohd. Anuar Arbayee berkata, ia susulan kenaikan harga isi kelapa daripada pihak pengeluar di negara jiran.

Menurutnya, kenaikan harga isi kelapa berlaku secara berturut-turut sejak Oktober tahun lalu daripada peringkat pembekal iaitu daripada RM4.50 sekilogram kepada RM8.60 sekilogram.

"Situasi ini memaksa peniaga santan menaikkan harga santan daripada RM13 sekilogram (pada Oktober tahun lalu) kepada kira-kira RM20 sekilogram hari ini.

"Kenaikan di peringkat pembekal berlaku secara berturut-turut tiga kali dalam tempoh dua minggu. Tidak mungkin kami dapat mengekalkan harga lama.

"Bayangkan, untuk dapatkan sekilo santan kami perlukan dua kilogram isi kelapa. Bagaimana kami nak untung jualan jika tidak naikan harga?" soalnya.

Di **Kota Bharu**, peniaga santan, Hafizul Subaimi, 48, berkata, masalah bekalan kelapa berlaku sejak Januari lalu dengan peningkatan harga secara berperingkat daripada RM2.80 hingga RM3 dan RM3.50 sebiji ketika ini.

Katanya, keadaan itu menyebabkan dia menjual santan kepada pelanggan tetap sahaja kerana bekalan kelapa yang diperolehi hanya 200 biji sehari.

"Sebelum ini, saya tiada masalah untuk menjual santan kepada orang ramai. Buat masa ini, saya terpaksa mengehadkan jualan kerana bekalan kelapa berkurangan," katanya di Pasar Besar Siti Khadijah.

Tinjauan Kosmo! di Pasar Besar Siti Khadijah juga mendapati, harga santan dijual antara RM15 hingga RM17 sekilogram sejak beberapa bulan lalu.

Agensi berdaftar tipu jemaah haji boleh dibatal lesen serta-merta

Oleh **ISKANDAR SHAH
MOHAMED**
utusannews@mediamulia.com.my

SHAH ALAM: Agensi berdaftar yang didapati terlibat dalam penipuan tawaran pakej haji dan umrah dikenakan tindakan pembatalan lesen secara serta-merta.

Menteri di Jabatan Perdana Menteri (Hal Ehwal Agama), Datuk Dr. Mohd. Na'im Mokhtar berkata, pihaknya telah mengenal pasti beberapa ejen berlesen namun menyalahgunakan kepercayaan jemaah.

"Lesen ejen terlibat telah dibatalkan dan tindakan lanjut juga sedang diambil ke atas mereka. Kes penipuan ini bukan saja memberi kesan kepada mangsa malah mencemarkan nama baik institusi ibadah haji itu sendiri," katanya ketika ditemui pada majlis penutupan Kursus Perdana Haji Musim 1446 Hijrah Peringkat Selangor di Masjid Sultan Salahuddin Abdul Aziz Shah di sini, semalam.

Terdahulu, Sultan Selangor, Sultan Sharafuddin Idris Shah yang berkenan menyempur-



SULTAN Sharafuddin Idris Shah berkenan beramah mesra dengan peserta Kursus Perdana Haji (KPH) Peringkat Negeri Selangor Musim Haji 1446H di Masjid Sultan Salahuddin Abdul Aziz Shah di Shah Alam, semalam. - UTUSAN/SADDAM YUSOFF

nakan majlis itu mengingatkan jemaah haji tidak terpedaya dengan pakej palsu agensi tiada bertaualiah.

Baginda mahu kerajaan memandang serius perkara itu dan berharap tiada lagi kes jemaah

ditipu pada masa akan datang.

Mengulas lanjut, kata Mohd. Na'im, beliau menjunjung titah Sultan Sharafuddin dan tindakan tegas dilaksanakan kerajaan melalui kerjasama strategik antara polis, Lembaga Tabung

Haji (TH), Suruhanjaya Komunikasi dan Multimedia Malaysia (MCMC).

"Tindakan itu diambil bagi memastikan pihak tidak bertanggungjawab yang memperdaya umat Islam dikenakan tin-

dakan tegas tanpa kompromi.

"Kita menerusi TH juga akan bertindak segera ke atas mana-mana pihak yang terlibat dalam penipuan itu," ujarnya.

Tambah beliau, promosi palsu yang disebarkan menerusi platform digital kini menjadi trend membimbangkan dan memerlukan pemantauan semua pihak berkuasa.

"Kita tidak boleh membiarkan umat Islam terus menjadi mangsa penipuan tersebut. Ia bukan saja melibatkan kerugian wang ringgit namun memberi kesan kepada ibadah suci umat Islam yang terpedaya," katanya.

Justeru, Mohd. Na'im meminta orang ramai membuat semakan terlebih dulu bagi memastikan agensi itu memiliki lesen sah atau sebaliknya.

"Tolong semak sebelum bayar dan semakan mudah boleh dibuat antaranya menerusi sistem MOTAC (Kementerian Pelancongan, Seni dan Budaya) bagi umrah. Bagi semakan haji, hanya 37 Pengelola Jemaah Haji (PJH) yang diberi lesen oleh TH setakat ini," katanya.



KEMENTERIAN PERDAGANGAN DALAM NEGERI
DAN KOS SARA HIDUP

BERITA ONLINE

KPDN



UNIT KOMUNIKASI KORPORAT

BERITA+A1:D9 ONLINE BERTARIKH 21 APRIL 2025

TARIKH	TAJUK	PAUTAN	MEDIA
21-Apr	Op GASAK mulai 1 Mei ban- teras penyelewengan gas subsidi – Armizan	https://www.buletintv3.my/ nasional/op-gasak-mulai-1-mei- banteras-penyelewengan-gas- subsidi-armizan/ #google_vignette	TV3
21-Apr	Ops GASAK tangani isu ke- tirisan barang kawalan, sub- sidi bermula 1 Mei ini	https:// www.bharian.com.my/ berita/ nasional/2025/04/1386102/ ops-gasak-tangani-isu- ketirisan-barang-kawalan-	BERITA HARIAN
21-Apr	KPDN lancar Ops GASAK, banteras penyelewengan subsidi gas memasak	https:// www.utusanborneo.com.my/202 5/04/18/kpdn-lancar-ops-gasak- banteras-penyelewengan-subsidi -gas-memasak	UTUSAN BORNEO
21-Apr	Kenapa paparan harga ubat perlu dikecualikan, soal Armizan	https:// www.sinarharian.com.my/ article/723625/berita/nasional/ kenapa-paparan-harga-ubat- perlu-dikecualikan-soal-armizan	SINAR HARIAN
21-Apr	TikTok Shop, KPDN perke- nal tip #Shopsafe	https:// www.hmetro.com.my/ mutakhir/2025/04/1208933/ tiktok-shop-kpdn-perkenal-	HARIAN METRO
21-Apr	TikTok Shop, KPDN Unveil #ShopSafe Tips To Combat Online Scams	https://www.bernama.com/ en/news.php?id=2414029	BERNAMA
21-Apr	KPDN rampas pemacu pena, kad memori tiruan bernilai RM250,000	https:// www.hmetro.com.my/amp/ mutakhir/2025/04/1208991/ kpdn-rampas-pemacu-pena- kad-memori-tiruan-bernilai-	HARIAN METRO
21-Apr	KPDN Rampas Pemacu Pena, Kad Memori Tiruan Bernilai RM250,000	https://www.bernama.com/ bm/jenayah_mahkamah/ news.php?id=2414069	BERNAMA

21-Apr	Stok penimbal gula putih diwujudkan di Sabah, Sarawak bermula 1 Mei - Armizan	https:// www.sinarharian.com.my/ ampArticle/723994	SINAR HARIAN
21-Apr	Kerajaan laksana stok penimbal gula putih di Sabah, Sarawak, Labuan bermula 1 Mei - Armizan	https://www.bharian.com.my/ amp/berita/ nasional/2025/04/1386874/ kerajaan-laksana-stok-penimbal- gula-putih-di-sabah-sarawak-	BERITA HARIAN
21-Apr	KPDN Kelantan rekod 284 kes dengan nilai rampasan lebih RM800,000	https:// www.astroawani.com/berita- malaysia/kpdn-kelantan- rekod-284-kes-dengan-nilai- rampasan-lebih-rm800-000- 517427?amp=1	ASTRO AWANI
21-Apr	KPDN Kelantan rekod 284 kes dengan nilai rampasan lebih RM800,000	https:// www.sinarharian.com.my/ ampArticle/724004	SINAR HARIAN
21-Apr	Kelantan KPDN records over 200 violations, seizures exceed RM800,000	https://thesun.my/malaysia- news/kelantan-kpdn-records- over-200-violations-seizures- exceed-rm800000-OM13975649	THE SUN
21-Apr	KPDN Kelantan Rekod 284 Kes Dengan Nilai Rampasan Lebih RM800,000	https://www.bernama.com/ bm/news.php?id=2414779	BERNAMA
21-Apr	KPDN Kelantan laksana Program KOS atasi isu minyak masak paket	https:// www.astroawani.com/berita- malaysia/kpdn-kelantan- laksana-program-kos-atasi- isu-minyak-masak-paket- 517426?amp=1	ASTRO AWANI
21-Apr	KPDN Kelantan beri amaran peniaga guna minyak masak paket	https:// www.sinarharian.com.my/ ampArticle/723996	SINAR HARIAN
21-Apr	KPDN Kelantan Laksana Program COSS Atasi Isu Minyak Masak Paket	https://www.bernama.com/ bm/news.php/dunia/ news.php?id=2414777	BERNAMA
21-Apr	KPDN Kesan 24 Kes Op Pantau, SHMMP Hari Raya Puasa	https://www.bernama.com/ bm/am/news.php? id=2414758	BERNAMA

21-Apr	KPDN Terengganu kompaun 24 peniaga sepanjang musim Aidilfitri	https:// www.kosmo.com.my/2025/ 04/20/kpdn-terengganu- kompaun-24-peniaga- sepanjang-musim-aidilfitri/	KOSMO
21-Apr	KPDN Terengganu laksana 3,939 pemeriksaan Ops Pantau, SHMMP	https:// www.hmetro.com.my/amp/ mutakhir/2025/04/1209756/ kpdn-terengganu-laksana- 3939-pemeriksaan-ops- pantau-shmmp	HARIAN METRO
21-Apr	24 peniaga dikompaun sepanjang OPS Pantau, SHMMP di Terengganu	https:// www.sinarharian.com.my/ ampArticle/723983	SINAR HARIAN
21-Apr	KPDN Terengganu keluar 24 kompaun Skim Harga Maksimum	https://www.utusan.com.my/ nasional/2025/04/kpdn- terengganu-keluar-24-kompaun- skim-harga-maksimum/	UTUSAN MALAYSIA
21-Apr	Terengganu KPDN Records 24 Cases Under Op Pantau, Aidilfitri SHMMP	https://www.bernama.com/ misc/rss/news.php/ news.php?id=2414742	BERNAMA
21-Apr	Terengganu KPDN records 24 cases under Op Pantau, Aidilfitri SHMMP	https://thesun.my/malaysia- news/terengganu-kpdn- records-24-cases-under-op- pantau-aidilfitri-shmmp- NM13974823	THE SUN
21-Apr	Expired scales, missing price tags top KPDN's Raya checks in Terengganu	https://www.nst.com.my/news/ nation/2025/04/1204715/ expired-scales-missing-price-tags -top-kpdns-raya-checks- terengganu#google_vignette	NEW STRAITS TIMES